

1.Tétel

La vorbako egzameno andal trin kotora tordyol. Kaj e II-to thaj III-to butyi situ 30 sekundura perdal te gindisle.

Po egzameno jekhe skurtone vorbisaripesa tatyaras andre, saveski butyi kodi-j, hoj te siklyos kaj e romani shib. Pe kado kotor inke nashtig das pontura.

Pel teteleske kotora sogodi pe romani shib si opre iskirime.

I. Vorbisaripe

Vorbisar romanes le sityaresa pa/pala e tema!

II. Dishputa

Agordyilas le egzamenosko angluno kotor, akanak avel e dishputa. Dopash minuto situ, hoj perdal te gindisares pe romani shib, hoj so tordyol vaj so chi tordyol pasha e tema!

Ande akanaki vrama but vorba perel pa/pala kodo, hoj jekh baro sityarimasko reformo trubulas te keren, hoj shanso te den le majlashe sityardenge, hoj majbut thaj majmishto te sityon.

So gindis pa/pala kodo, kon majmishto sityol, kodoleske chi trubulas jekh specialno sityimasko modo te keren?

- So gindis, pa/pala o sityipe.
- Le romane shavorengi situacija andel telune /univerzalne shkoli.
- Le romane shejango sityipe.
- Le romane ternengo majdur sityipe po univerzitetu.

III. Kiposko ginajipe

1. tétel 2/2.

Akanak avel o trito kotor pe la vorbako egzameno. Korkoro phen, hoj so gindis pa/pala e teluni tema, zhutisarel tuke o kipo!

E tema: O dromipe le manushengo suno vaj lengi trubundi butyi si?

- Pe soste gindis, kana „o dromipe” ashunes?
- Sostar shaj dromarel o manush?
- Sosa, sar shaj dromarel o manush?



Nais tuke! Akanak agordyilas la vorbako egzameno.

Le sityaresko lil

1. Tétel

La vorbako egzameno andal trin kotora tordyol. Kaj e II-to thaj III-to butyi 30 sekundura si le egzamenardes pel butya, hoj perdal te gindil len.

Po egzameno jekhe skurtone vorbisaripesa tatyaras andre, saveski butyi kodi-j, hoj o sityardo/egzamenardo te siklyol kaj e romani shib. Pe kado kotor inke nashtig das pontura. Pel teteleske kotora sogodi pe romani shib si opre iskirime.

Le andre tatyaripeske pushipe/pushimata:

1. Zhanglan te soves aratyi angla o egzameno?
2. So sas tyo deteharako xaben?
3. Sar dromardan kathe? Kasa, sosa avilan?
4. So kerdan aratyi ande tyi slobodno vrama?
5. Zhanes aba, hoj kaj zhasa maj te hodinis?
6. So-j tyo plano ande durani vrama?

Kathar o vorbisaripe shaj des pontura le sityardes.

I. Vorbisaripe

Vorbisar le sityardesa pa/pala e tema!

<p>Opre des le chekkura pej poshta.</p>
--

1. Tu potyines andre le chekkura? Kade te si, atunchi sosa potyines, vorbisar jekh cerra pa/pala kado!
2. Kodo te gindis, hoj le terne na lovenca vaj kartyasa potyinen, tena po interneto perdal bishaven le love, atunchi tu so gindis, hoj sostar si kado?
3. Le phure manusha sar vaj sosa potyinen andre le chekkura?
4. So gindis, andej moderno luma/lyuma majlasho si po interneto te potyinen le manusha? Te ova, atunchi sostar?

II. Dishputa

Agordyilas le egzamenosko angluno kotor, akanak avel e dishputa. Dopash minuto situ, hoj perdal te gindisares pe romani shib, hoj so tordyol vaj so chi tordyol pasha e tema.

Ande akanaki vrama but vorba perel pa/pala kodo, hoj jekh baro sityarimasko reformo trubulas te keren, hoj shanso te den le majlashe sityardenge, hoj majbut thaj majmishto te sityon.

So gindis pa/pala kodo, kon majmishto sityol, kodoleske chi trubulas jekh specialno sityimasko modo te keren?

- So gindis, pa/pala o sityipe.
- Le romane shavorengi situacija andel telune /univerzalne shkoli.
- Le romane shejango sityipe.
- Le romane ternengo majdur sityipe po univerzitetu.

Pro:

- Sako shavo kaver si, kaver si lengo hatyaripe. Kon chi sityol mishto, kodelesa majbut butyi trubul te keren le sityara. Vi lengo sityaripe kaver si.
- Le lashe sityarde majfeder sityon, thaj majsigo xutyilen opre le butya. Maj cerra zhene si ande jekh klaso thaj majfeder rucinpe, chi sityon neve butya thaj unyivar chi muken le majbut zhenen te sityon.
- Si kasavo dikhipe, hoj ande kodo gruppo kaj le shavora kattyi zhanen sar le kavera majfeder zhal o sityaripe. O sityari but zhanel te zhutil lenge, hoj majgodyavera te aven.
- Te ande le themeski/statoski shkola chi gindisaren pel godyaver shavora atunchi lenge dada/deja ingrenle ande kaver shkola kaj trubul te potyinen pala lende, ke kodo gindisaren, hoj kothe sogodi den lenge shavorrenge anda kodo, hoj majgodyavera te aven.

Kontra:

- Ive/bilovengo te sityos, kodo o stato/them trubul te tordyol, khanchi chi dosharel kodo, hoj le sityarden pel lashe thaj pel nasul grupura te alosaren.
- Te cines kodo phenas le shavorrenge, hoj von maj nasula si sar le majbut zhene, atunchi chi avla len zor thaj chi patyana ande kodo, hoj vi von shaj aven godyavera thaj shaj sityon mishto.
- Te si ande jekh klaso kasavo shavo/shej kon shukares sityol, kodo shaj phirel angla kaver zhene, ke atunchi hajkam vi von kamena mishto te sityon.
- Kodole shavorrenge kon chi sityon mishto, lenge majbut trubul te zhutisaren le sityara, kodolenge kon godyaver si, lenge pale kasave programura trubuj te keren kaj chi rucinpe.

III. Kiposko ginajipe

Akanak avel o trito kotor pe la vorbako egzameno. O sityardo korkoro/korkori phenel, hoj so gindisarel pa/pala e teluni tema, zhutisarel leske/lake o kipo!

E tema: O dromipe le manushengo suno vaj lengi trubundi butyi?

- Pe soste gindis, kana „o dromipe” ashunes?
- Sostar shaj dromarel o manush?
- Sosa, sar shaj dromarel o manush?



Zhutipeske pushimata:

- Tu kames te dromares vaj chi kames te dromares?
- Si tu vrama te dromares? Te situ, atunchi kaj kames butivar te zhas?
- Tyire trajosko legmajbaro sunosko dromipe. Kaj kamesas te zhas?
- Sode love trubunastu te kamesas te dromares?
- Tyire vurdonesa vaj busosa si majlasho o dromaripe andel bare forura?
- So gindis, pe maj but thana zhanen le manusha te dromaren, ke majlezno avlas o huralo/sastruni chiriklyi?
- Sar parovel avri amaro krujalipe, hoj majbut si a dromaripe ando ajero thaj pej phuv?

Nais tuke! Akanak agordyilas la vorbako egzameno.